



Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 93. Trium Ordinum postulata Regi exposita circa religionem.

[urn:nbn:de:hbz:466:1-67232](#)

Sæcul. XVI. jam pene confecta videbatur, omnino
A C. 1577. repente in irritum cecidit, eoquod plu-
rium Provinciarum Deputati solemniter
hujus Concilii promulgationi sese oppo-
nerent, interjecta protestatione, qua
in uno momento totius consilii cursus
sistebatur: insuper iidem Deputati a Cle-
ri Secretario hujus protestationis tabu-
las erigi petebant, quas publici etiam
juris fecerunt, qua audacia Ecclesiasti-
cus ordo, magisque adhuc Pontifex
offendebatur.

§. XCIII.
*Trium Ordinum postulata Regi expo-
sita circa Religionem.*

*Thu. l. 63.
Spond. ad
hunc annum
1577. n. 3.*

In secunda Blesenium comitiorum se-
fione, quæ hoc anno die decima se-
ptima Januarii habebatur, trium Ordin-
um Deputati, & quidem Cleri nomine
Viennensis Archiepiscopus, pro Nobili-
bus Senecajus Baro, & pro Ordine
plebejo Versorius Advocatus orationem
ad Regem habebant, atque eundem
unaomnes hortabantur, ut in suo regno
solam Religionem Catholicam conser-
vet: præcipue vero Archiepiscopus Re-
gem impense rogabat, ut omnes erro-
res a fana doctrina alienos perpetuo ex-
ulare juberet, atque corruptelis in Di-
vinum cultum irrepentibus remedium
opponeret: his autem Rex paucis ver-
bis

bis hæc reposuit: „Placet mihi unio, **Sæcul. XVI.**
 „quam circa Religionis negotium, cul- **A.C. 1577.**
 „tumque Deo debitum vigere compe-
 „rio; unde & ego vestris postulatis, ac
 „querelis satisfacere curabo:„ His ita
 gestis nil nisi de ærariis, ac pecunias
 corradendi mediis agebatur, hancque
 in rem Regi supplex porrigebatur li-
 bellus, quo ejus Senatum reformari,
 & Consiliariorum numerum ad viginti
 quatuor restringi petebant, ita tamen,
 ut Regiæ stirpis Principes, ac primi
 coronæ Ministri non comprehendan-
 tur: hujus consilii Regi admodum mo-
 lesti auëtor exstitit Lugdunensis Archi-
 episcopus: postea Rex a Regni Ordi-
 nibus vigesies centies librarum millia
 sibi dari postulabat; ast repulsam tulit,
 ubi quoque Petrus Danesijs, cum Vau-
 rensem Episcopatum Genebrardo regio
 linguæ hebraicæ Professori cedere vel-
 let, suis precibus frustratus est.

§. XCIV.

Novum pacificationis edictum.

E xeunte Mense Septembri novum pa- **Avil. l. 8.**
 cificationis edictum Pictavii pro- **Thuan. l. 64.**
 mulgatum est sexaginta tribus articu-
 lis comprehensum, quibus ea, quæ in
 prioribus edictis nimium aspera Prote-
 stantibus videbantur, temperata, ac
 lenioribus conditionibus explanata fue-
 re,